

թեան իւրոյ քաջ նահատակն Ապումուէ»  
(էջ 300-301) :

Իպն Մասկավայ կը վկայէ այս մասին  
թէ 238 թուին՝ Բուզան «յաղթեց...  
(Թիֆլիսի)...: Գորանից յետոյ Բուզան  
յարձակեցաւ Իսայ Իպն Իւսուփի՝ Ստե-  
փաննոսի քրոջ որդու վերայ եւ ճակատե-  
ցաւ նորա հետ Փայտակարան քաղաքում .  
Իսայ ամբացաւ Կրիչ ամբողջում, Բուզան  
զրաւեց թերզը, բռնեց նորան եւ տարաւ՝  
նորա որդու եւ Սմբատ որդի Աշոտի՝ Աղ-  
ուանից իշխանի, եւս Ատրնեբսէհ որդի  
Իսահակի հետ միասին»<sup>(17)</sup> : Իպն Մասկա-  
վայի վկայութեան համաձայն՝ Աղուանից  
արչաւանքը տեղի կ'ունենայ 238 հիճրէթի  
կամ մեր 852 թուականէն վերջ : Արարացի  
Ժամանակագիրը Քթիշ Լեռը ունի իբր Կթիշ  
ամրոց : Սակայն սխալ է թէ Բուզան գրա-  
ւեց բերդը, բռնեց նորան, այսինքն Ապու-  
մուէն : Արծրունիի մօտ մանրամասնու-  
թեամբ գրուած տեսանք որ Ապումուէ  
չպարտուեցաւ Բուզայէն, եւ խաղաղու-  
թեամբ միայն կարելի եղաւ զայն տանիլ  
Պարտատի խալիֆային դուռը : Իպն Մաս-  
կավայի յիշած Ատրնեբսէհը Սահլի որդին  
էր, որուն Իսահակ կոչումը կու տայ ա-  
րար պատմիչը եւ Սմբատ որդի Աշոտի Աղ-  
ուանից իշխան կը կոչէ : Այս վկայութիւնն  
է որ սխալ առաջնորդած է Բար Հերբա-  
յուսը, որ, ինչպէս տեսանք Սահլի կեն-  
սագրութեան ընթացքին, Մահադէ-Բա-  
րակը բռնել կու տայ Իսահակ իպն Ա(շ)ո-  
տի :

Յովհաննէս կաթողիկոս Գրասխանա-  
կերտցի կը գրէ, որ «իշխանն Աղուանից  
Եսայի (Ապումուէ) նենդապատիր լեալ  
առ ի նմանէ (Բուզայէ), ըմբռնի ի ձեռս  
նորա հանդերձ համալղօք իւրովք . ընդ  
նմին եւս այլ տեսարք եւ իշխանք աշխար-  
հին Աղուանից կալեալ կապեցան ընդ ձե-  
ռամբ նորա, ոչ սակաւ ինչ արեան ճա-  
պարհիս հեղեալ եւս յայնմ աշխարհին»<sup>(18)</sup> :

Կը հակասէ կաթողիկոսը Արծրունիի տը-  
ւած մանրամասն վկայութեան : Արծրու-  
նին է որ կ'ընդունիմ : Ատողիկ ալ գրեթէ  
նոյն սպաւորութիւնը կ'ուզէ տալ հակիրճ  
տողերով ըսելով : Բուզայ «կալաւ... եւ  
զիշխանն Սահլնոյ Ատրնեբսէհ, եւ զԵսայի  
Աղուանից իշխանն... : Ձսոսա զամենե-  
սեան եւ զայլս բազումս եւս երկաթի կա-  
պանօք խաղացոյց ի Սամարայ . եւ զե-  
րեայ զաշխարհս ամենայն»<sup>(19)</sup> : Գոնէ Ա-  
պումուէ Եսայիի համար ճիշտ չէ երկաթի  
կապանօք տարուիլը :

Գերեալ Հայ իշխաններուն հաւատու-  
բացութիւն կ'առաջարկուի : Նեղութեանց  
կ'ենթարկուին : Սակայն վերջապէս «իշ-  
խանքն Հայոց, որք գերեցան ի Բուզայէ՝  
յետ ամաց ինչ դարձան յիւրաքանչիւր աշ-  
խարհս իւր, միայն սպարապետն Սմբատ  
եւ Ստեփանոս Կոնն, որք վասն Քրիստոսի  
խոստովանութեանն կատարեցան ի Սամա-  
րայ»<sup>(20)</sup> :

Յովհաննէս կաթողիկոս կը մանրա-  
մասնէ որ կալանաւորեալները խալիֆա-  
յին արքունիքը տարուելէ վերջ կը բան-  
տարկուին : Քիսկ ապա յետ ոչ բազում ինչ  
աւուրց հարցափորձ ի վերայ հասարա-  
կաց կապելոյցն տերանց եւ իշխանացն Հա-  
յոց եւ Աղուանից ածէին, զի կամ դարձ-  
ցին յանօրէն օրէնս նոցա, ուրացեալք  
զՔրիստոս աստուածալատութիւնն, եւ  
այնպէս բազում պարզեւս եւ պատիւս ի  
նոցանէ առնուցուն, եւ յուզարկեցցին ի  
հայրենի աշխարհն եւ ի տունս իւրեանց .  
եւ կամ սաստիկ խոշտանգանօք եւ չարչա-  
րանօք եւ անհնարին մահու հատանիցեն  
զյոյս կենաց նոցա : Եւ վասն զի այսպէս  
զրոհմունս կատանաց ի վերայ նոցա սաս-  
տիկ զարհուրմամբ օր լստ օրէ զարթու-  
ցանէին, ժամանակ ինչ յերկարեալ զնե-  
ղութիւն անձկութեանն, ոմանք ի նոցանէ  
հաւանեալք բանից արքունի, դարձան...  
յաստուածամանօթութիւն նոցա, եւ ո-

(17) Արարացի մասնագիրներ Հայաստանի մա-  
սին : Բարբառ Սարգսեանց, էջ 78 :

(18) 1867, էջ 162 :

(19) 1885, էջ 107 :

(20) Անդ, էջ 110 :